

Акафист святому апостолу, первомученику и архидиакону Стефану

Кондак 1

Избранный от множества ученик Господа и Спаса нашего, яко исполненный веры, Духа Свята и премудрости, на служение вдовицам; возложением рук апостольских явился еси, Стефане, первый во диаконах, и тако в сем чину даже до смерти мученическая Христу поработал еси. Но яко имея дерзновение ко Господу, от всяких нас бед и смертоносных зол свободи зовущих:

Радуйся, апостоле Христов, первомучениче и архидиаконе Стефане.

Икос 1

Ангелоподобная чистота твоя, серафимская пламенная любовь и вера в Господа соделаша тя, святе Стефане, избранным сосудом благодати Духа Всесвятаго; и вси во Христа верующии, видя святое житие твое, тако тя восхваляху:

Радуйся, от юности твоея Христа Бога возлюбивый.
Радуйся, Емуже всем сердцем твоим поработавый.
Радуйся, Христова Евангелия добрый послушник.
Радуйся, апостолом Христовым подражателю.
Радуйся, воине Христов неустрашимый.
Радуйся, не обязавыйся куплями житейскими.
Радуйся, ближних яко себе возлюбивый.
Радуйся, братьям во Христе усердно послуживый.
Радуйся, в молитве пламенный.
Радуйся, в скорбех терпеливый.
Радуйся, скверн мира сего не приобщивыйся.
Радуйся, сердце твое чисте соблюдый.
Радуйся, апостоле Христов, первомучениче и архидиаконе Стефане.

Кондак 2

Видел еси Анну и Каиафу, Иоанна и Александра и прочие, елицы беша от рода архиерейскаго, на свой нечестивый суд апостолы Христовы воззвавшия, и озлобление их на вся ученики Христовы ведал еси, Стефане. Сего ради всем сердцем твоим приуготовлен был еси за Христа всякия гонения терпети и зватьи Ему непрестанно: Аллилуиа.

Икос 2

Разум богопросвещения имея, всем сердцем уразумел еси, первомучениче, учение Христа Спасителя о скорбном земном пути всякого верующего во Христа распятого и дерзновенно уповал еси на велию за сей путь награду на небеси. За такую мудрость твою тако тебе восхваляем:

Радуйся, в юном сердце твоём мудрость старческую имевый.
Радуйся, за Христом шествовати всеусердно желавый.
Радуйся, Христово Евангелие вседушно возлюбивый.
Радуйся, Христовым учением пленивыйся.
Радуйся, Христово иго на рамена своя радостно возложивый.
Радуйся, Христа Господа житием твоим вообразивый.
Радуйся, Крестом Христовым хваливыйся.
Радуйся, язвы Христа на теле твоём носить радостно восхотевый.
Радуйся, безбоязненный исповедниче тайны Христова воплощения.
Радуйся, Христа распятого рабе послушный.
Радуйся, о всех ко Христу молитвенниче.
Радуйся, Христовой жизни добрый наставниче.
Радуйся, апостоле Христов, первомучениче и архидиаконе Стефане.

Кондак 3

Силою благодати Божия укрепляемь, твердою верою руководимь, на благой надежде вечно зрети Господа и в Его Царствии Небеснем житие своё основавый, всею душею возлюбил еси Господа и в веселии сердца зывал еси Ему: Аллилуиа.

Икос 3

Имея пред очима твоима житие и подвиги и страдания Христовых апостолов, всею душею возжелел еси, Стефане, их житию и подвигом их подражати и за Христа всякое поношение носить. Сего ради тебе, яко доброму ученику Христовых апостолов, радостно зываем:

Радуйся, добрый послушателю Христовых апостолов.
Радуйся, житию их неленостный подражателю.
Радуйся, апостолы яко самовидцы Слова и слуги почитавый.
Радуйся, всякому слову апостолов внимавый.
Радуйся, яко Церковь Христова Христом в рuce апостолов предана, веруйя.
Радуйся, Церковь Христову Апостольскою именовавый.
Радуйся, и сам апостольским учением насыщенный.
Радуйся, их учение и словом, и житием твоим миру являвый.
Радуйся, сребра и злата, якоже и апостолы, не вожделевый.

Радуйся, яко и апóстоли, Цáрствия Бóжия и прáвды его искáвый.
Радуйся, наше свѣтлое уповáние.
Радуйся, несумнѣнная наша надѣжда.
Радуйся, апóстолу Христóв, первомúчениче и архидиáконе Стефáне.

Кондак 4

Бúря великих смущѣний порази юную Цѣрковь Христóву, егда бысть роптáние ёллинов ко евреом, яко презираемы бывáху во вседнѣвнем служѣнии вдовицы их. Ты же, сие смущѣние видя, на мúдрость апóстолов все уповáние твоѣ возложил еси и свѣтло зывáл еси Гóсподу: Аллилу́иа.

Икос 4

Слы́шавше сие трапѣзное смущѣние, святíи апóстоли созвáша все мнóжество ученик Христóвых и рѣша: не угóдно есть нам оставльшим слóво Бóжие служити трапѣзам. На сем собрáнии вѣрующих и ты был еси, святе Стефáне, и вси вѣдавши твою пла́менную прѣданность апóстолом, тáко восхваля́ху тя:

Радуйся, учѣния апóстолов усѣрдный проповѣднице.
Радуйся, слóва Бóжия мúдрый изъяснителю.
Радуйся, нищетú духовную стяжавый.
Радуйся, в благодáтнем пла́че утѣшение имѣвый.
Радуйся, смирѣнием и крóтостию сѣрдца Божѣственному Учíteлю уподóбивыйся.
Радуйся, чистотú сѣрдца возлюбый.
Радуйся, гонимым за прáвду ревнителю усѣрдный.
Радуйся, фарисѣйской прáвде не покоривыйся.
Радуйся, лицемѣрия фарисѣйскаго я́ве гнушáвыйся.
Радуйся, святому закóну Моисѣеву дóбрый послѣдователю.
Радуйся, яко писáния всех проро́ков отвѣрстым умóм уразумѣл еси.
Радуйся, Бóжия премúдрости испóлненный.
Радуйся, апóстолу Христóв, первомúчениче и архидиáконе Стефáне.

Кондак 5

Богомúдри апóстоли всему собрáнию вѣрующих тáко рекóша: усмотрíte, брáтие, мужи́ от вас свидѣтельствованы семь, их же поставим над службо́ю сею: мы же в молитве и слúшании слóва пребúдем. Сия слы́шавше, Стефáн и все мнóжество вѣрующих радóстно возгласи́ша Гóсподу: Аллилу́иа.

Икос 5

Видеша вси, во Христа верующии, на сем собрании Стефана, яко мужа премудра, исполнена веры и Духа Святаго, и его перваго нарекоша достойна быти сию службу пред лицем апостолов исправляти и диаконское служение носити, восхваляюще его единодушно тако:

Радуйся, верный Господень служителю.
Радуйся, и всем человеком добрый слуго.
Радуйся, Господа перве всего возлюбивый.
Радуйся, и ближних, яко себе, почитавый.
Радуйся, о вдовицах добре пекийся.
Радуйся, и святым нозе умывый.
Радуйся, нищих возлюбивый и сих удививый.
Радуйся, и евреев, и еллинов единою и тоюжде любовию питавый.
Радуйся, заповедь Господа о неосуждении ближних в сердце носивый.
Радуйся, и врагов возлюбивый.
Радуйся, Духа Святаго исполненный.
Радуйся, на земли законами небесными жити изволивый.
Радуйся, апостоле Христов, первомучениче и архидиаcone Стефане.

Кондак 6

Проповедник добрый Евангелия Христова явился еси, святыи архи-
диаcone, егда апостоли возложиша рuce своя на твою главу и на главы со-
избранников твоих. И слово Божие растяше, и множашея число учени-
ков во Иерусалиме зело. Мног же народ священников послушаху веры.
Ты же с прочими диаконы благодарно зывал еси Господу: Аллилуиа.

Икос 6

Возсия светло слово проповеди твоея во Иерусалиме, святыи апос-
толе. Исполненный веры и силы, творил еси знамения и чудеса велия в
народе, и прилагалхуся ко Христу мнози, иже предучинени бяху в жизнь
вечную. И сии новые люди, Христу прилепившиися, славаху тя сицевыми
благодарными восхвалениями:

Радуйся, чудотворче великий.
Радуйся, силу Божию в себе являяй.
Радуйся, знамениями дивными Бога прославивый.
Радуйся, и твоими великими добродетельми силу Божию миру вещавый.
Радуйся, яко из чрева твоего реки воды живы истекша.

Радуйся, яко струї воды сея многим во спасение послужиша.
Радуйся, слепым зрение возвращай.
Радуйся, глухим ушеса отверзай.
Радуйся, разслабленным здравие подавая.
Радуйся, бесов изгонителю.
Радуйся, утешение всех скорбящих.
Радуйся, благодатная радости присный причастниче.
Радуйся, апостоле Христов, первомучениче и архидиаконе Стефане.

Кондак 7

Хотя Евангелие Христово возвещати всем людем, стязался еси, Стефане, с нециими от сонма глаголемаго Ливертинска и Киренейска и Александрска, и иже от Киликии и Асии. Сии же не можаху противостояти премудрости и Духу, имже глаголал еси им. Ты же, архидиаконе, вразумлявшему тя Премудрому Богу радостно зывал еси победную песнь: Аллилуиа.

Икос 7

Новую благодать и силу в твоих словесех узревше и не возмогше противостати твоим глаголам премудрым, врази твоя подустыша некия мужи глаголати о тебе, яко ты, апостоле, хульными словесы Моисея и Бога безчестиши, и подвигше люди, и старцы, и книжники, нападше, восхитиша тя и приведоша на свое сонмище. Мы же, зряще тя на сонмище их лукавое влекома, из глубины души тако тя восхваляем:

Радуйся, Христов исповедниче.
Радуйся, стопами апостолов добре шествовавый.
Радуйся, яко врази твой оклеветати тебе восхотеша.
Радуйся, яко ложные свидетели противу тебе подустыша.
Радуйся, яко влекомь на сонмище, безгрешному Агнцу Божию уподобился еси.
Радуйся, яко шатавшееся на Христа беззаконных соборище и на тя, рабе Божий, советует тщетная, убити поучается.
Радуйся, яко позорище был еси ангелом и человеком.
Радуйся, яко сей позор радостно понесл еси.
Радуйся, яко всяк зол глагол до конца претерпети восхотел еси.
Радуйся, свидетелю Христов неустрашимый.
Радуйся, наставниче наш премудрый.
Радуйся, земный ангеле и небесный человеце.
Радуйся, апостоле Христов, первомучениче и архидиаконе Стефане.

Кондак 8

Странный и преславный чудо на сонмище еврейском показá на тебе, святы́й первомучениче, чудес Творец и Господь. Все, сидящие в сонмище, видеша лице твоё, яко лице ангела. Мы же восхваляюще Бога, тако прославляющего святыя Своя, радостно вопием Ему: Аллилуиа.

Икос 8

Весь Господу Христу преданный, ты, святы́й архидиа́коне, безтрепетно ожида́л еси на синедрионе еврейском злаго судии лукаваго вопроше́ния. Мы же, духовно созерца́я лице твоё, ангельским подобием украше́нное, со умиле́нием тако тебе глаго́лем:

Радуйся, ангельским светом озаренный.

Радуйся, Духа Святаго сосуде непорочный.

Радуйся, яко по обетованию Христову, како или что глаго́лати попечения не имёл еси.

Радуйся, яко от Духа Святаго научения ожида́л еси.

Радуйся, безстрашный исповедниче.

Радуйся, дерзновенный проведниче Евангелия Христова.

Радуйся, любовью ко Христу окриленный.

Радуйся, Богом явленный миру посланниче и насмертниче¹.

Радуйся, буйи Христа ради.

Радуйся, преискренний благодати Божией причастниче.

Радуйся, диако́нского служения светлый образе.

Радуйся, всея вселенныя украшение.

Радуйся, апосто́ле Христов, первомучениче и архидиа́коне Стефа́не.

Кондак 9

Всякое естество́ ангельское и человеческое обрадовал еси, святы́й первомучениче, егда́ на злое вопроше́ние судий беззаконнаго не то́кмо не умолча́л еси, но Духом Святы́м просвещенный, премудро отве́тствовал еси, Ветхий Завет и Моисея восхваляя, и яко пестун² ко Христу зако́н изъясняя, и Господу, пода́телю премудрости, взывая: Аллилуиа.

Икос 9

Витий суетумудренных клевету́ явно обличил еси, свя́те Стефа́не, егда́ отве́тствуя на лукавыя слова́ судий непра́веднаго, всему́ синедриону́

¹ Обреченный на смерть.

² Детоводитель, воспитатель, наставник.

евре́йскому я́вно яви́л себе́ пропове́дником до́браго почита́ния всего́ Моисе́ева зако́на, и всех проро́ков и всех пра́ведников Ве́тхаго Завета́ восхваля́л еси. За тако́е твоё свято́е испове́дание похвалы́ тебе́ сицевы́я глаго́лем:

Радуйся, зако́на и проро́ков и́скренний почита́телю.

Радуйся, всего́ Писа́ния Ве́тхаго Завета́ му́дрый изъясни́телю.

Радуйся, яко до́блести ветхозаве́тных пра́ведников кра́сно изобрази́л еси.

Радуйся, ве́ры Авраа́ма, Исаа́ка и Иа́кова до́брый провозве́стниче.

Радуйся, страда́ния и ско́рби Ио́сифа живо описа́вый.

Радуйся, его́ же сла́ву во Египте и до́брое попече́ние об отце́ своём и о бра́тьях своих восхва́лиый.

Радуйся, проро́ка Моисе́я труды́ и любо́вь к наро́ду израи́льскому до́бре глаго́ливый.

Радуйся, его́ же дивное видёние Го́спода в купине́ неопали́мей синедрио́ну напо́мниый.

Радуйся, восхожде́ния Моисе́я на го́ру Сина́йскую и ско́рби его́ о наро́де своём, тельцу́ поклонившемся, живо изобрази́ый.

Радуйся, Моисе́ево проро́чество о Го́споде Иису́се Христе́ в назидание́ синедрио́ну му́дро изъясни́ый.

Радуйся, до́брые труды́ Моисе́я, Иису́са Нави́на, Дави́да и Соломо́на в создáнии ски́нии и хра́ма че́стне показáвый.

Радуйся, пла́менную любо́вь твою́ ко всем пра́ведникам яви́ый.

Радуйся, апо́столе Христо́в, перво́мучениче́ и архидиа́коне Стефа́не.

Кондак 10

Спасе́ния всем евре́ям вседу́шно жела́я, ты, святы́й апо́столе, твои́ми словеса́ми му́дрыми всех при́сных своих ко Христу́ влекл еси, ясно веща́я, яко́ един есть Бог в Ве́тхом и Но́вом Завете́х и яко́ о Христе́ зако́н и вси проро́цы предвозвести́ша, да весь мир поклонится́ Христу́ Спаси́телю с пе́снию: Аллилу́иа.

Икос 10

Стено́ю кре́пкою во испове́дании Христа́ Сы́на Бо́жия яви́лся еси, святы́й архидиа́коне, веща́я злым наста́вникам евре́йскаго наро́да и́стину воплоще́ния Единоро́дного Сы́на Бо́жия и облича́я их в уби́йствах проро́ков, предвозвеща́вших явлёние на земле́ Спаси́теля, и в преда́тельстве́ и уби́ении воплотивша́гося Сы́на Бо́жия. За сию́ безбоязнённую кре́пость в тако́мом испове́дании приими́ от нас сие́ похва́льное пе́ние:

Радуйся, зако́на Ве́тхаго и Но́ваго Завета́ му́дрый испове́дниче.

Радуйся, яко конѣц почитанія хра́ма Иерусали́мскаго возвестѣл еси.
Радуйся, фарисѣ́йскаго злѣго учѣнїа обличѣтелю.

Радуйся, яко весь синедрион пророкоубѣйцами и богоубѣйцами наре́кл еси.

Радуйся, яко тех же еврейскихъ учителей жестоковѣйными наимено́вал еси.

Радуйся, яко у тех же слѣпыхъ вождѣй наро́да еврейскаго необрѣзанное се́рдце и необрѣзанныя ушеса́ узрѣл еси.

Радуйся, яко пѣрвыхъ убийцъ Го́спода, Анну и Каиа́фу, на сем сонмище я́вно обличѣл еси.

Радуйся, всехъ отступниковъ отъ зако́на Моисеева, устроѣниемъ а́нгельскимъ отъ Бо́га да́ннаго, гнѣвно обличѣл еси.

Радуйся, грѣховъ людскихъ обличѣтелю.

Радуйся, спящїа со́вести до́брый пробудѣтелю.

Радуйся, пока́нїя проповѣднице.

Радуйся, ко спасѣнїю люде́й искүсный вождю́.

Радуйся, апо́столу Христо́в, перво́мучениче и архидиа́коне Стефа́не.

Кондак 11

Пѣние хвалѣбное приими́ отъ нас, сла́вннй перво́мучениче. Исполнь Ду́ха Свята́го воззрѣв на не́бо, ви́дел еси сла́ву Бо́жїю и Иису́са, стояща одесну́ю Отца́, и рекл еси: се, ви́жу небеса́ от́верста и Сы́на Чело́вѣча одесну́ю стояща Бо́га. Таковому́ твоєму́ видѣнїю раду́ющесея, свѣтло вопїемъ Го́споду, прославля́ющему свѣтомъ Своѣмъ святы́я Своѣя: Аллилу́иа.

Икос 11

Светно́снаго видѣнїа твоєго́ и радостнаго гла́са твоє́го, исповѣдующаго Сы́на Чело́вѣческаго во сла́ве одесну́ю Отца́ Своє́го стояща, не возмо́же понести́ лука́вое еврейское сонмище. Гла́сомъ вѣлиимъ возопѣвше, ўши своя́ затыка́ху вси и устремѣшася единоду́шно на тя: извлѣкше из сонмища, ка́мениемъ побива́ху тя злонра́вннїи иудее. Мы же со слеза́ми провожда́юще тя на мѣсто мученическа́я твоєѣ кончи́ны, тако въ похвалу́ тебе глаго́лемъ:

Радуйся, Боговѣдче пресла́вннй.

Радуйся, небесныхъ та́ин зрѣтелю.

Радуйся, кро́вию твоєю зе́млю освятивѣй.

Радуйся, за Христа́ радостно живо́т твой положи́внй.

Радуйся, свѣтлое нача́ло мучениковъ добропобѣдннхъ.

Радуйся, яко и самѣхъ апо́столовъ по́двигомъ мученическимъ предвари́л еси.

Радуйся, яко твоєю страдальческою кончиною ангелов обрадовал еси.

Радуйся, похвало вселенныя.

Радуйся, добрый свидетелью Христов.

Радуйся, небес всельниче.

Радуйся, всея вселенныя молитвенниче.

Радуйся, наш небесный помощниче.

Радуйся, апостоле Христов, первомучениче и архидиаконе Стефане.

Кондак 12

Благодатию Божественною преисполнен был еси, святыи первомучениче, побиваемый камениями молился еси и глаголаше: Господи Иисусе, прими дух мой. Молитву же Господа на Голгофе за распинателей своих нося в сердце твоём, преклони колена, возопи еси глаголом велиим: Господи, не постави им греха сего, и с сею молитвою на устах земное твоё поприще скончал еси. Мы же, прославляюще твоё блаженное успение, со умилением зовём ко Господу: Аллилуиа.

Икос 12

Поюще твоё славное житие, восхваляюще твоё святое дерзновение, со слезами вспоминающе твою страдальческую кончину, тако тебе из глубины души глаголем:

Радуйся, веры столпе непоколебимый.

Радуйся, звездо, всю вселенную освящающая.

Радуйся, омраченных просветителю.

Радуйся, сирых предстателю.

Радуйся, от Бога светлым венцем венчанный.

Радуйся, убогих помощниче.

Радуйся, о чтущих святыю память твою благий молитвенниче.

Радуйся, от внезапныя смерти избавителю.

Радуйся, яко Господь силу чудесную мощам твоим дарова.

Радуйся, чудес кладязю неисчерпаемый.

Радуйся, милосердия светлый образе.

Радуйся, скорбящим радости подателю.

Радуйся, апостоле Христов, первомучениче и архидиаконе Стефане.

Кондак 13

О, святыи апостоле, первомучениче и архидиаконе Стефане. Приими сие малое пение, в похвалу тебе от нас грешных недостойными усты возносимое. Яко добрый ученик Христа и Его славных апостолов, научи и нас

стопа́ми на́шего Спаси́теля ходи́ти и сла́ву Его́ жити́ем свои́м явля́ти, да сподо́бимся и мы с тобо́ю в ра́йских оби́телях ве́чно воспева́ти Бо́гу а́нгельскую песнь: Аллилу́иа. Аллилу́иа. Аллилу́иа.

Сей Кондак глаголи трижды. Также Икос 1 и Кондак 1.

Молитва святому апостолу первомученику и архидиакону Стефану

О, вели́кий первомучени́че архиди́аконе и апо́столе Хри́стов Стефа́не!

Ты все земно́е жити́е твоё во сла́ву Го́спода устро́ил еси́ и чу́дным носителем благода́ти Божественной явился еси́.

Сею́ благода́тию зна́мения и чудеса́ ве́лия в лю́дех соверша́л еси́. Сею́ благода́тию водимый, му́дрость небесную явля́л еси́, стязая́ся со все́ми, противящи́мися ева́нгельскому учению́. Сию́ благода́ть, пребыва́ющую в тебе́, Го́сподь я́вно показа́ всем сидя́щим в со́нмищи, егда́ вси ви́деша лице́ твоё, яко́ лице́ а́нгела. Наипа́че же сию́ благода́ть явил еси́ вселённей, егда́ в свой сме́ртный час, ка́мнями побива́емь, о прощёнии грехо́в свои́м убийца́м ве́лиим гла́сом Го́спода умоля́л еси́. Ко́льми па́че по блаже́ннем успе́нии твоём благода́ти Бо́жия прича́стником ты, апо́столе, явля́ешься, вне уз плóти твоёя, вьну́ лицезре́нием Бо́жиим наслажда́ешься и ско́рби и моли́твы прибега́ющих к тебе́ ви́диши и слы́шиши.

Моли́ся и о нас, Богови́дче пресла́вный, да благода́ть Бо́жия и нам сопу́тствует в на́шей земно́й жи́зни, да и мы, последу́я учению́ на́шего Го́спода и Спаси́теля и подража́я тебе́ в твоём вели́ком по́двиге, не то́кмо о себе́ и о свои́х ну́ждах Го́споду Бо́гу взыва́ли, но и о всех лю́дех, и о вра́зех свои́х моли́твы Го́споду возноси́ли. Да та́ко и на́шею жи́знию прославля́ется все́свято́е имя́ Отца́ и Сы́на и Свята́го Ду́ха. Ами́нь.